

մարմնոյ յարութիւն և ի կեանս յաւիտենից» : Եւ որպէս երկոսասան քարն այն նշանակիւր, թէ ընդ Յորդանան անցնալ են, այնպէս որ հաւասոյ յերկոսասան բանս այս նշանակի թէ մկրտալ ե (Տար. 2. էջ 59) :

Կաղզաղա երիքովէն հինգ մղոն հեռու է. հոն է որ Խորաշելացիք երբ Յորդանանէն անցան, առաջին անգամ հոն հաստատուեցան. տեղւոյն եկեղեցիին մէջ կը գտնուին այն տասներկու քարերը որ Յեսուի հրամանաւ Յորդանանէ հանուեցան. նոյն քարերուն վեցը զետեղուած են եկեղեցիին հարաւը, և վեցը՝ հիւսիս : Անոնք շատ ծանր են. երկու զօրաւոր մարդեր հազիւ կրնան վերցնել անոնցմէ մին. քարերէն մին զիպուածով կոտորած է, բայց կոտորուած մասերը երկաթով միացած են (E. T. P. էջ 7-8) : 1484ին Փելլիքս Ֆապրի կը գրէ թէ այս քարերը 1217ին Thietmarի, եւ մէկ զար վերջ ալ Ludolphe de Sudheimի (1336-1350) կողմէ կը յիշատակուին (P. T. S. Գ. մաս, էջ 37) :

գ) Քաղաւոնի վանքին աւանդութիւնները. — Բացի Ս. Յովհաննէս Կարապետի և Երասիմոսի վանքերէն (*), Յորդանանի եզերքը կը գտնուէր Քալամոնիայի Ս. Կուսի վանքը : Ըստ Դանիէլ ուղեգիր ուխտաւորին՝ Ս. Կոյսը այս տեղէն գիշեր ժամանակ անցած է Յիսուսի,

(*) Աւանդութեան մը համաձայն, **Առիւծի վանք** կը կոչուի Ս. Երասիմոսի վանքը՝ որ կը գտնուէր Յորդանանի մօտ : Առիւծ մը կ'սպասաւորէ Ս. Երասիմոսի՝ անոր սրբութեան համար եւ Յորդանանէն չուր կը բերէր վանքին, ինչպէս որ գրուած է Յայտաւորքին մէջ ալ (Ապրիլ ԻԵ) : Մասապայի մոզայիք քարէտը Յորդանանի հովքին մէջ կը ներկայացնէ առիւծ մը, այս առիւծը կը նշանակէ Ս. Երասիմոսի վանքը. ըսել կ'ըլլայ թէ այս աւանդութիւնը շատ նիւն է, այսինքն Զ. դարուն (տե՛ս Revue Jérusalem, 1926, Յունվար, Փետրուար, էջ 459) :